



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2009. GODINU SAVEZA ZA BOLJU BUDUĆNOST BOSNE I HERCEGOVINE

Broj: 03-07-6-107/10  
Sarajevo, 09.11.2010. godine

## *SADRŽAJ*

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole .....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI .....	5
5.2. PREPORUKE .....	6

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Saveza za bolju budućnost Bosne i Hercegovine za 2009. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Savez za bolju budućnost Bosne i Hercegovine nije ispoštovao odredbe člana 11. stav (1) i stav (3) Zakona o finansiranju političkih stranaka, jer nije uspostavio potpune i adekvatne evidencije o svim rashodima i finansijski izvještaj nije popunio u skladu sa Pravilnikom o godišnjim finansijskim izvještajima političkih stranaka.**

**Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Saveza za bolju budućnost Bosne i Hercegovine za 2009. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju za 2009. godinu Savez za bolju budućnost Bosne i Hercegovine je iskazao prihod u iznosu od 54.000,00 KM, što je iskazano u narednoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	0,00 %
2	Prilozi fizičkih lica	36.000,00	66,67 %
3	Prilozi pravnih lica	18.000,00	33,33 %
4	Prihodi od imovine	0,00	0,00 %
5	Prihodi od pr. lica	0,00	0,00 %
6	Prihodi od poklona	0,00	0,00 %
7	Prihodi iz budžeta	0,00	0,00 %
	<b>Ukupni prihodi:</b>	<b>54.000,00</b>	<b>100,00 %</b>

Prema podacima iz godišnjeg finansijskog izvještaja Savez za bolju budućnost Bosne i Hercegovine je ostvario rashode u iznosu 114.918,76 KM.

## 2. PREDSTAVLJANJE POLITIČKE STRANKE

Naziv političke stranke: Savez za bolju budućnost Bosne i Hercegovine. Skraćeni naziv stranke je SBB BiH.

Politička stranka je registrovana 30.10.2009. godine kod Općinskog suda u Sarajevu pod registarskim brojem 065-0-F1-09-000035.

Sjedište političke stranke je u Sarajevu, Danijela Ozme broj 2.

Lice ovlašteno za zastupanje stranke je Fahrudin Radončić, osnivač stranke.

Lice ovlašteno za podnošenje finansijskih izvještaja je Kanita Imamović.

U godišnjem finansijskom izvještaju za 2009. godinu je navedeno da Savez za bolju budućnost Bosne i Hercegovine nema organizacionih dijelova nižeg nivoa.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Saveza za bolju budućnost Bosne i Hercegovine za 2009 godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je Savez za bolju budućnost Bosne i Hercegovine u izvještajnom periodu postupao u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Saveza za bolju budućnost Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

### **4. PRETHODNE KONTROLE I REVIZIJE**

Kontrola finansijskih izvještaja Saveza za bolju budućnost Bosne i Hercegovine se obavlja prvi put.

### **5. NALAZI I PREPORUKE**

#### **5.1. NALAZI**

**Savez za bolju budućnost Bosne i Hercegovine nije ispoštovao odredbe člana 11. stav (1) i stav (3) Zakona o finansiranju političkih stranaka<sup>1</sup>.**

- a) Kontrolom finansijskog izvještaja i poslovnih knjiga utvrđeno je da ova politička stranka nije uspostavila potpune i adekvatne evidencije o rashodima političke stranke, te nije postupila u skladu sa odredbama člana 11. stav (1) Zakona o finansiranju političkih stranaka.
- U poslovnim knjigama, a takođe i na obrascu 4-1 godišnjeg finansijskog izvještaja (režijsko-administrativni troškovi), Savez za bolju budućnost BiH je troškove u iznosu od 6.409,15 KM iskazao kao usluge studentskog servisa i troškove u iznosu od 3.763,01 KM kao ugovor o djelu. Stranka je u skladu sa odredbama člana 11. stav (1) Zakona o finansiranju političkih

---

<sup>1</sup> U skladu sa odredbama člana 11. stav (1) Zakona o finansiranju političkih stranaka, stranka je obavezna voditi evidencije o svojim prihodima i rashodima, a u skladu sa odredbama člana 11. stav (3) istog zakona, stranka je obavezna podnositi finansijski izvještaj u formi koju odobri Centralna izborna komisija BiH. Sadržaj, forma, način i drugi detalji izvještavanja uređeni su Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06)

stranaka bila obavezna izvršiti klasifikaciju troškova po osnovu usluga koje su stranci izvršene preko studentskih servisa i troškova koje su stranci izvršene po ugovoru o djelu.

U skladu sa odredbama člana 11. stav (3) Zakona o finansiranju političkih stranaka i odredbama člana 21. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06), politička stranka je bila obavezna da u finansijskom izvještaju troškove iskaže po vrstama troška, a ne prema izvršiocu usluge.

- U godišnjem finansijskom izvještaju, a ni u poslovnim knjigama za 2009. godinu Savez za bolju budućnost BiH nije iskazao troškove u iznosu od 1.289,05 KM. Uvidom u poslovne knjige i izvode sa transakcijskog računa stranke otvorenog kod Union banke d.d Sarajevo, utvrđene su isplate sredstava za plate u iznosu od 720,38 KM i isplate za poreze i doprinose po osnovu plate u iznosu od 568,67 KM, a da pri tome nisu evidentirani troškovi političke stranke. Obzirom da politička stranka nije uspostavila potpunu evidenciju o svim troškovima, nije postupila u skladu sa odredbama člana 11. stav (1) Zakona o finansiranju političkih stranaka.
  
- b) Pregledom i kontrolom finansijskog izvještaja koji je Savez za bolju budućnost BiH podnio Centralnoj izbornoj komisiji BiH utvrđeno je da izvještaj nije popunjen u skladu sa odredbama člana 11. stav (3) Zakona o finansiranju političkih stranaka i odredbama člana 23. Pravilnika o godišnjim finansijskim izvještajima političkih stranaka.

Iznos dugovanja, odnosno obaveze prema dobavljačima na dan 31.12.2009. godine politička stranka je iskazala u jednom iznosu od 43.256,11 KM.

U skladu sa odredbama člana 23. stav (1) tačka b) Pravilnika o godišnjim finansijskim izvještajima političkih stranaka, Savez za bolju budućnost BiH je bio obavezan iskazati obavezu pojedinačno prema svakom dobavljaču, odnosno povjeriocu, skupa sa podacima o iznosu duga, datumu nastanka duga, visini rate i roku vraćanja duga.

## 5.2. PREPORUKE

***Preporučuje se Savezu za bolju budućnost da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***Da u skladu sa odredbama člana 11. stav (1) Zakona o finansiranju političkih stranaka, uspostavi potpune i adekvatne evidencije o svim troškovima i***
  
- ***Da finansijske izvještaje koje dostavlja Centralnoj izbornoj komisiji Bosne i Hercegovine podnosi u skladu sa odredbama člana 11. stav (3) Zakona o finansiranju političkih stranaka i u formi propisanoj Pravilnikom o godišnjim finansijskim izvještajima političkih stranaka.***

## **Komentar**

Savez za bolju budućnost BiH se nije očitovao na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2009. godinu koji mu je dostavljen 14.10.2010. godine.

Mr. Hasida Gušić, šef Službe za reviziju - revizor